

# TRAMSONE CREAM

Triamcinolone Acetonide (0.1% w/w)

## Apakah yang ada pada risalah ini

1. Apakah kegunaan TRAMSONE CREAM
2. Bagaimana TRAMSONE CREAM berfungsi
3. Sebelum menggunakan TRAMSONE CREAM
4. Cara menggunakan TRAMSONE CREAM
5. Semasa menggunakan TRAMSONE CREAM
6. Kesan-kesan sampingan
7. Cara penyimpanan dan pelupusan TRAMSONE CREAM
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang TRAMSONE CREAM. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda menggunakan TRAMSONE CREAM berbanding manfaat yang mereka jangka untuk anda.

Simpan risalah ini bersama ubat.

Anda mungkin perlu membacanya lagi.

## Apakah kegunaan TRAMSONE CREAM

TRAMSONE CREAM digunakan untuk merawat penyakit kulit yang menunjukkan ciri radang/inflamasi yang responsif terhadap kortikosteroid. Penyakit kulit ini termasuk ekzema, dermatitis, psoriasis dan intertrigo.

## Bagaimana TRAMSONE CREAM berfungsi

TRAMSONE CREAM mengandungi bahan aktif Triamcinolone Acetonide.

Triamcinolone Acetonide tergolong dalam kumpulan steroid yang mempunyai tindakan anti-

radang, anti-gatal dan pengecutan salur darah.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

## Sebelum menggunakan TRAMSONE CREAM

### -Bila tidak boleh menggunakan

Jangan guna TRAMSONE CREAM sekiranya:

- Anda alah (hipersensitif) terhadap Triamcinolone atau kepada mana-mana komponen bahan ubat ini.
- Anda mempunyai jangkitan virus pada kulit, batuk kering, muka kemerahan dengan jerawat, dan ulser.

### -Sebelum mula menggunakan

Maklumkan ahli farmasi atau doktor anda:

- Jika anda mempunyai jangkitan pada kulit dan nyatakan kawasan yang dijangkiti.
- Jika anda menggunakan mana-mana produk kulit.

Kehamilan dan penyusuan badan:

- Tiada rekod menunjukkan ubat ini selamat digunakan semasa kehamilan dan laktasi (penyusuan).
- Tanya doktor atau ahli farmasi anda untuk mendapatkan nasihat sebelum pengambilan ubat ini sekiranya anda hamil atau menyusu badan.

### -Jika mengambil ubat-ubat lain

Beritahu doktor jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

## Cara menggunakan TRAMSONE CREAM

### -Berapa banyak harus digunakan

Sapukan TRAMSONE CREAM dengan sedikit pada bahagian kulit yang terjejas sekali atau dua kali sehari sebagaimana yang diarahkan oleh doktor atau farmasi.

### -Bila perlu digunakan

Sapukan pada kawasan yang terjejas apabila ia kering dan bersih.

### -Berapa lama perlu digunakan

Rujuk kepada doktor dan ahli farmasi untuk tempoh rawatan.

### -Jika terlupa menggunakan

Sapukan krim ini secepat mungkin dan kemudian teruskan rawatan anda seperti biasa.

### -Jika mengambil berlebihan (terlebih dos)

Dalam jumlah yang tertentu, kortikosteroid boleh diserap ke dalam kulit dan menghasilkan manifestasi sindrom Cushing, peningkatan paras gula dalam darah dan kehadiran gula dalam air kencing.

## Semasa menggunakan TRAMSONE CREAM

### -Perkara yang perlu dilakukan

Jika anda bersedia untuk memulakan penggunaan ubat baru yang lain, maklumkan ahli farmasi atau doktor anda yang anda sedang menggunakan TRAMSONE CREAM.

Sekiranya gejala berterusan, sila hubungi doktor.

### -Perkara yang tidak boleh dilakukan

Jangan menggunakan lebih daripada dos yang disarankan melainkan dibenarkan oleh doktor anda.

Jangan gunakan berhampiran atau sekitar mata.

### -Perkara yang perlu diberi perhatian

Hentikan penggunaan jika berlaku kerengsaan atau alahan dan rujuk kepada doktor. Perhatian khas hendaklah diambil kepada bayi dan kanak-kanak kerana penyerapan sistemik boleh berlaku melalui penggunaan topikal yang boleh menyebabkan pertumbuhan terencat. Langkah berwaspada

# TRAMSONE CREAM

Triamcinolone Acetonide (0.1% w/w)

perlu diambil apabila merawat kawasan permukaan badan secara luas atau apabila menggunakan teknik balutan.

## Kesan-sesan sampingan

Seperti ubat-ubatan lain, TRAMSONE CREAM boleh menyebabkan beberapa kesan sampingan, sesetengah kesan sampingan mungkin serius dan memerlukan perhatian perubatan.

Tindak balas biasa yang dilaporkan ialah rasa pedih, gatal-gatal, kerengsaan, rasa kering, radang folikel rambut, pertumbuhan rambut yang tidak normal, pertumbuhan jerawat, warna kulit menjadi cerah, kulit menjadi lembut dan lemah, kulit menipis, kesan regangan kulit dan ruam panas.

Penggunaan kortikosteroid dalam dos yang banyak boleh menyebabkan gejala-gejala hiperaktif adrenal korteks, dengan muka bulat, kadangkala pertumbuhan rambut berlebihan di kawasan-kawasan tertentu pada muka dan badan wanita, benjolan lemak di antara bahu, kulit menjadi kemerah-merahan, dan kadang-kadang boleh menyebabkan sindrom Cushing sepenuhnya.

Jika anda mengalami mana-mana kesan sampingan ini, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835549, atau laman web [npra.moh.gov.my](http://npra.moh.gov.my) [Public → Reporting Side Effects to Medicines (ConSERF) or Vaccines (AEFI)]

## Cara penyimpanan dan pelupusan TRAMSONE CREAM

### -Penyimpanan

Simpan di bawah suhu 30°C. Pastikan bekas ditutup rapat. Simpan di tempat terlindung daripada cahaya. Jauhkan daripada kanak-kanak. Untuk kegunaan luar sahaja

### -Pelupusan

Lupuskan ubat selepas tarikh luput. Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

## Maklumat lanjut

### -Rupa dan warna produk

TRAMSONE CREAM adalah krim berwarna putih

TRAMSONE CREAM boleh didapati dalam tiub aluminium 15g.

### -Bahan-bahan kandungan

-Bahan-bahan aktif:  
Setiap tiub mengandungi Triamcinolone Acetonide 0.1% w/w.

-Bahan-bahan tidak aktif:  
Sodium Dihydrogen Phosphate, Phosphoric Acid 85%, Liquid Paraffin, White Soft Paraffin, Cetostearyl Alcohol, Propylene Glycol, Macrogol Cetostearyl Ether, Chlorocresol, Purified Water.

### -Nombor MAL:

MAL19913401AZ

## Pengilang

HOE Pharmaceuticals Sdn. Bhd.  
Lot 10, Jalan Sultan Mohamed 6,  
Bandar Sultan Suleiman,  
42000 Port Klang, Selangor,  
Malaysia.

## Pemegang Pendaftaran Produk:

HOE Pharmaceuticals Sdn. Bhd.  
Lot 10, Jalan Sultan Mohd. 6,  
Bandar Sultan Suleiman,  
42000 Port Klang, Selangor,  
Malaysia.

## Tarikh kemaskini RiMUP

-08/08/2018

## Nombor Siri

NPRA (R4/1)080818/00232